


白氏文集

十二



白氏文集卷第二十五

抱經堂本四十二

墓誌銘

凡七首

故賢妃京兆韋氏墓誌銘

賜蓋文庫

故會王墓誌銘

并序

故滁州刺史贈刑部尚書榮陽鄭公墓
誌銘

并序

河南元府君夫人榮陽鄭氏墓誌銘

并序

維陽掾大原王府君墓誌銘

并序

城縣尉陳府君夫人大原白氏墓誌銘并序

并序

大原自氏之殤墓誌銘

并序

序 大唐故賢妃京兆韋氏墓誌銘并

九

卷八

德宗聖文神武皇帝元妃韋氏諱某字某
京兆人也曾祖某某官祖某某官父某某
官妃即某官府君第某女也母曰永穆公
主元和四年四月某日妃薨于某所以其

年四月某日詔葬于萬年縣上好里洪平
原上悼焉哀榮之禮有以加焉嗚呼惟韋
氏代德官業發系婚戚有國史家譜存焉
今奉詔但書地及時與妃之所以由賢之
義而已貞元中沙鹿上仙長秋虛位凡六
十九御之政多明於妃妃先以采繫之誠
奉于上故能霜露之感薦于九廟次以穆
木之德逮于下故能分雲雨之澤洽于六
宮其餘坐論婦道行贊內理服用必中度

明允魏

組紩有常訓言動必中節故環珮有常聲
七十二年禮無違者冊命曰賢不亦宜哉
貞元中號奉宮車誓留園寢麻衣告朔蓬
首致哀執匪懈之心視奠於靈坐修無上
之道薦福于崇陵殆茲歿身不衰其志故
葬之日掌文之臣自居易得以無媿之詞
誌于墓而銘曰

京兆阡兮洪平原兮歲己丑兮日丁酉兮
惟土田兮與時月龜兮蓍兮偕言吉峩峩

新墳兮葬者誰德宗皇帝韋賢妃

唐故會王墓誌銘

并序

唐元和五年冬十一月四日會王寢疾薨
于內邸大小斂之日上皆不舉樂不坐朝
恩也越十二月十八日詔京兆尹播監視
葬事窆于萬年縣崇道鄉西趙原禮也是
日又詔翰林學士白居易爲之銘誌故事
也王諱纁字某德宗之孫順宗之子陛下
之弟幼有令德早承寵章未冠而王受封

曰會夫以祖功宗德之慶父天兄日之貴
胙土列藩之寵好德樂善之賢宜乎壽考
福延爲王室輔嗚呼降年不永二十一而
終哀哉皇帝厚悼睦之恩深友悌之愛故
王之薨也軫悼之念有加於常情王之葬
也遣奠之儀有加於常數哀榮兼備斯其
謂乎銘曰

歲在寅月窮紀萬年縣崇道里會王薨葬
於此

唐故滁州刺史贈刑部尚書滎陽鄭公
墓誌銘并序

周宣王封母弟桓公子鄭厥後因封命氏
爲滎陽人鄭自桓公而下平簡公而上世
家婚嗣咸詳于史譜故不書公諱某字某
五代祖諱某北齊尚書今是爲平簡公曾
祖諱某下邽郡太守王父諱某衛州刺史
皇考諱某祕書郎贈鄭州刺史公即祕書
第三子好學攻詞賦進士中第判入高等

始授郾城尉。無何本郡守移他鄉。州民有
暴悖者。相率遁道麾訶不去。公忿其犯上。
立斃六七人。採訪使奇之。奏署支使。改浚
儀主簿。轉大理評事兼佐漕務彭果領五
府奏公爲節度判官。會果坐贓連累。僚佐
貶光化尉。移向城尉。歷北海時。祿山始亂。
傳檄郡邑。邑民孫俊鄧犀伽。歐市人。劫廩
藏以應公。時已去秩。因奮呼率寮吏子弟弟
急擊之。殺俊。伽羅盡殲其黨。繇是。一邑用

嘉祐

寧朝庭羨之。擢授登州司馬。尋轉長史。累
加朝散大夫。入爲太子左贊善大夫。尚書
屯田員外郎。太子中允。出攝淄州刺史。俄
換萊州。連有善最。詔授檢校司勲郎中。兼
侍御史。充青萊登海密五州租庸使。太尉
李公光弼鎮徐州刺史。充海密沂三州招
討使。加正議大夫。賜紫金魚袋。公威惠舊
著比。至部而蒼山賊帥李浩與其徒五千
來降。繇是三郡底定。復入爲衛尉少卿。相

度判官。改
太子少贊
屬海沂
賊起詔降
州刺史
方字
者此子

此

權空

國王公縉繞河南奏公爲副元帥判官未
幾除祕書少監兼滁州刺史本州團練使
居八載政績大成大曆十二年二月十五
日薨于楊州權空于某所享年七十有八
公凡七佐軍四領郡祿俸不積滯衣食無
常主常歎曰以飽暖活嬾幼以清白貽子
孫是吾心也逮啓手足卒如其志先是太
夫人常寢疾公衣不解髮不解櫛者彌年侍
疾執喪憂毀過禮公尤善五言詩與王昌

齡王之煥崔國輔輩聯唱迭和名動一時
逮今著樂詞播人口非一晚賦思舊遊詩
百篇亦傳於代前夫人清河崔氏贈清河
郡太君後夫人博陵崔氏贈博陵郡君生
子七人女七人長子雲達有才名官至刑
部侍郎京兆尹公由京兆累贈至散騎常
侍刑部尚書次子微終潤州司馬次子公
達有至行初公年高就養不仕及居憂廬
墓泣血三年淮南節度使本道黜陟使泉

朝賢袁高高參等累以孝悌稱薦響名教者慕之今爲侍御史上柱國滄景節度參

謀次子方達衡州司士參軍次子震當陽

丞次子文弼幽州參軍次子安達率府倉

曹參軍公自捐館舍殆逾三紀家國多故

未克反葬至元和年月日始遷兆于鄭州

新鄭縣某原祔先祕書瑩二夫人從焉時

京兆已即世諸弟在下位獨侍御史銜恤

襄事孝備始終見託追譏銘于墓石銘曰

蘭亭集序

新鄭集

世祿德門斯之謂可久懿文茂績斯之謂不朽二千石之祿七十八之年斯之謂貴壽內史之顯揚柱史之孝行斯之謂有後嗚呼鄭公榮如是哀如是又何不足之有

又唐河南元府君夫人滎陽鄭氏墓誌

銘并序

有唐元和元年九月十六日故中散大夫尚書比部郎中舒王府長史河南元府君諱寬夫人滎陽縣太君鄭氏年六十寢疾

歿于萬年縣靖安里私第。越明年二月十五日權祔于咸陽縣奉賢鄉洪瀆原從先姑之塋也。夫人曾祖諱遠思官至鄭州刺史贈太常卿。王父諱監朝散大夫易州司馬父諱濟睦州刺史夫人睦州次女也。其出范陽盧氏外祖諱平子京兆府涇陽縣令夫人有四子二女長曰泝蔡州汝陽尉

次曰拒京兆府萬年縣尉次曰積同州韋城尉次曰稹河南縣尉長女適吳郡陸翰

韋作泝
韋作泝

集

翰爲監察御史次爲比丘尼名真一二女不幸皆先夫人歿府君之爲比部也。夫人始封滎陽縣君從夫貴也稹之爲拾遺也夫人進封滎陽縣太君從子貴也天下有五甲姓滎陽鄭氏居其一鄭之勲德官爵有國史在鄭之源流婚媾有家譜在比部府君世祿官政文行有故京兆尹鄭雲達之誌在今所叙者但書夫人之事而已初夫人爲女時事父母以孝聞友兄姊睦弟

流文粹作派
五甲姓

異膳

文輝婦上有
諸字孫下同

使子達於邦女宜其家哉其教誨有如此者既而諸子雖迭仕祿稍甚薄每至月給食時給衣皆始自孤弱者次及踈賤者由是衣無常主厨無異膳親者悅諫者來故傭保乳母之類有凍餒垂白不忍去元氏之門者而况臧獲輩乎其仁愛有如此者自夫人母其家殆二十五年專用訓誠除去鞭朴常以正顏色訓諸女婦諸女婦其心戰兢如履于冰常以正辭氣誠諸子孫

歸子詩子

自諸子尚孫四字而下元者子孫三字

其心愧恥若撻于市諸子孫由是納下於少過致家於大和婢僕終歲不聞忿爭童孺成人不識檮楚閨門之內熙熙然如太古時人也其慈訓有如此者噫昔漆室縋榮之徒烈女也及爲婦則無聞伯宗梁鴻之妻拓婦也及爲母則無聞文伯孟氏之親賢母也爲女爲婦時亦無聞今夫人女美如此婦德又如此母儀又如此三者具美可謂冠古今矣嗚呼惟夫人道移於他

謂文輝作以
謂文輝作以

則何用而不臧乎。若引而伸之，可以肥一國焉。則關雎鵲巢之化斯不遠矣。若推而廣之，可以肥天下焉。則姜嫄文母之風斯不遠矣。豈止於訓。四子以聖善化一家於厚者哉。居易不侵辱，與夫人幼子稹爲執友，故聆夫人羨最熟，稹泣血，孺慕哀動他人。

託爲譔述，書于墓石。斯古孝子顯父母之志也。嗚呼，斯文之作，豈直若是而已哉。亦欲百代之下，聞夫人之風，過夫人之墓。

過文粹作觀

蘭雪本據作
痛馬本作號
有仁字

文粹墓下元
者字

者使悍妻和嚚母慈不遜之女順云爾。銘曰：元和歲丁亥春咸陽道渭水濱云誰之墓。

鄭夫人

文粹墓下有代
氏字

篆銘下有代
表題今人作
六字

公諱某，字士寬，其先出自周靈王太子晉。凡二十一代而生翦，翦爲將卑。夫二世而生珣，珣居大原，故今爲大原人。又十九代

代矣。

而生瓊，瓊爲後魏僕射，謚孝簡公。又二代
父諱大璡，爲嘉州司馬；諱昇，爲京兆府咸
陽令。河南府伊闢令，有文行學術，應制舉
對，沈謀祕略，策登科。詩入正聲集。公即伊
闢第三子。好學善屬文。天寶中應明經舉
及第，選授婺州義烏尉。以清幹稱，刺史韋
之晉知之，署本州防禦判官。無何，租庸轉
運使元載又知之，假本州司倉專掌運務。
歲終課績居多，遂奏聞，真授永泰中勅遷
越府戶曹屬邑。有不理者，公假領之，所至
必理。大曆中，本道觀察使薛兼訓以公清
白尤異，表奏之。有詔權知餘姚縣令。時海
寇初殄，邑焚田荒。公乃營邑室，創器用，復
流庸，闢蓄畲。凡江南列邑之政，公冠其首。
其制邑闢田增戶之績，則會稽之譟地官
之籍載焉。建中初，選授揚州倉曹參軍。至
四年七月二十六日，疾歿于江陽縣之私。

第春秋六十二夫人清河崔氏鳳閣舍人
融之姪孫鄭州司法昂之女婦順母訓中
外師之貞元二十年十一月十三日疾終
于三原縣之官舍享年六十二有子曰播
曰炎曰起咸以進士舉及第播應制舉對
直言極諫策授集賢殿校書郎累遷監察
殿中侍御史三原令炎既第未仕起應博
學宏詞科選授集賢殿校書郎昆弟三人
不十年而五登甲科時論者榮之一女適

馬本作第

范陽盧仲通播等號護靈輿以永貞元年
十月二十五日遷祔于京兆府富平縣淳
化鄉之某原從吉兆也嗚呼夫懋言行蓄
事業俾道積于躬者在人也踐大官贊元
化俾功加于民者由命也有其人無其命
雖聖與賢無可柰何維公受天地之和積
爲行發爲文宣爲用故在家以孝友聞行
已以清廉聞莅事以幹蠱聞如金玉在佩
動而有聲其大者又常以經德秉哲致君

往來從

庚辰

濟入爲已任有識者深知之宜乎作王者心膂耳目之官以經緯其邦家而才爲時生道爲命屬名雖聞於天子位不過於陪臣鬱鬱然歿而不展其用者命矣夫古人云有明德大智者若不當世其後必有餘慶今其將在後嗣乎不然者何乃德行政事文學之具羨叢乎公之三子乎天其或者殆將肥王氏之家大王氏之門以甚明報施之道者也某不佞頃對策於王庭也

與炎同升諸科焉祇命於憲府也與播聯執其簡焉及爲考文之官也又起在選中焉辱與公之二三子游而聆公之遺風甚孰故作斯文無隱情無愧辭焉銘曰

淮山道光淮水靈長繩繩子孫代有賢良將軍輔秦武功抑揚孝簡翊魏文德闇彰降及於公實生于唐大智全才應用無方作掾于郡三語有章承乏於邑一一向載康展矣之人何用不臧宜登大位俾紹前芳

嗚呼。自鍊之金不鑄。干將十圍之材不作棟梁。公亦如之。與世不當道。不虛行。後嗣其昌。

唐故坊州鄜城縣尉陳府君夫人白

氏誌銘 幷序

夫人大原白氏。其出昌黎韓氏。其適類川陳氏。享年七十。唐和州都督諱士通之曾孫。尚衣奉御諱志善之玄孫都官郎中諱溫之孫延安令諱錦之弟謀女韓城令諱

欽之外孫。故鄜城尉諱潤之夫人。故穎川縣君之母。故大理少卿襄州別駕白諱季庚之姑。前京兆府戶曹參軍翰林學士白居易前祕書省校書郎行簡之外祖母也。惟夫人在家。以和順奉父母。故延安府君視之如子。既笄。以柔正從入。鄜城府君敬之如賓。洎延安終。夫人哀毀過禮。爲孝女。洎鄜城歿。夫人撫訓幼女。爲節婦。及居易行簡生。夫人鞠養成人。爲慈祖母。迨乎索

盧本理下有寺
字
唐云庚当作
庚案集十不避
庚案汪說是也

蒸嘗敬賓客睦婦妙工刀尺善琴書皆出
於餘力焉貞元十六年夏四月一日疾歿
于徐州古豐縣官舍其年冬十一月權窆
于符離縣之南偏至元和八年春二月二
十五日改卜宅兆于華州下邽縣義津鄉
北原即類川縣君新塋之西次從存歿之
志居易等號慕慈德敬譏銘誌泣血秉筆
言不成文銘曰

恭惟夫人女孝而純婦節而溫母慈而勤
嗚呼謹揚三德銘于墓門恭惟夫人實生
我親實撫我身欲養不待仰號蒼旻嗚呼
豈寸魚之心能報東海之恩

唐大原白氏之殤墓銘并序

白氏下殤曰幼美小字金剛奴其先大原
人高祖諱志善尚衣奉御曾祖諱溫都官
郎中王父諱錕河南府鞏縣令先府君諱
季庾大理少卿山東別駕先大夫人類川
陳氏封穎川縣君幼美即第四子也既生

馬本作九

灼

而惠既孩而敏七歲能誦詩賦八歲能讀書鼓琴九歲不幸遇疾夭徐州符離縣私第貞元八年九月權窆于縣南原元和八年春二月二十五日改葬于華州下邽縣義津鄉北岡祔于先府君宅兆之東三十步其兄居易行簡藐然已孤扶哀臨穴斷手足之痛其心如初且號其銘誌于墓曰嗚呼剛奴痛矣哉念爾九歲逝不迴埋魂闕骨長夜臺二十年後復一開昔葬符離

今下邽魂兮魂兮隨骨來

白氏文集卷第二十五

白氏文集卷第二十六

抱經堂本為四十三

記序 凡十二首

江州司馬廳記

草堂記

許昌縣令新廳記

養竹記

記畫

記異

東林寺經藏西廊記

三遊洞序

遊大林寺序

代書

送候權序

冷泉亭記

江州司馬廳記

武德方
總方
武德右晉書
總金唐作總

自武德已來，庶官以便宜制事。大攝小重，侵輕。郡守之職，總於諸侯帥。郡佐之職，移於部從事。故自五大都督府至于上中下

第全唐作遞
伎文釋作復
金唐同

郡司馬之事盡去，唯貟與俸在。凡内外文武官左遷右移者，第居之。凡執伎事上與給事於省寺軍府者，遙署之。凡仕父資高，耄昏軟弱，不任事，而時不忍棄者，實益之。益之者進不課其能，退不殿其不能。才不才一也。若有人畜器貯，用急於兼濟者，居之雖一日，不樂。若有人養志忘名，安於獨善者，處之雖終身，無悶。官不官繫乎時也，適不適，在乎人也。江州左匡廬右江湖土。

宮名作官
記作庭
全唐同

庇

高氣清富，有佳境。刺史守土臣，不可遠觀遊。群吏執事官，不敢自暇佚。惟司馬綽綽，可以從容於山水詩酒間。由是郡南樓山北樓水溢亭，百花亭風簷石巖瀑布廬宮源潭洞東西二林寺，泉石松雪司馬盡有之矣。苟有志於吏隱者，捨此官何求焉？案唐典上州司馬秩五品，歲廩數百石，月俸六七萬。官足以安身，食足以給家。州民康非，司馬功郡政壞，非司馬罪。無言責，無事。

隱休裕
全唐同

憂噫爲國謀，則尸素之尤蠹者爲身謀，則祿仕之優隱者予佐是郡行四年矣。其心休休如一日二日，何哉識時知命而已。又安知後之司馬不有與吾同志者乎？因書而得以告來者。時元和十三年七月八日。

記

又草堂記

文粹草堂
題字
右盧山二字

匡廬奇秀甲天下山。山北峯曰香鑪峯。北寺曰遺愛寺。介峯寺間，其境勝絕。又甲廬

山元和十一年秋大原人自樂天見而愛之若遠行客過故鄉戀戀不能去因面峯

腋寺作爲草堂明年春草堂成三間兩柱

二室四牖廣袤豐殺一稱心力洞北戶來
陰風防徂暑也敞南甍納陽日虞祁寒也

碱次玉也
金匱文作體

木斲而已不加丹牆巧而已不加白碱階

用石幕窓用紙竹簾紵幙率稱是焉堂中
設木榻四素屏二漆琴一張儒道佛書各
三兩卷樂天既來爲主仰觀山俯聽泉傍

三兩文釋作
兩三

睨竹樹雲石自辰及酉應接不暇俄而物
誘氣隨外適內和一宿體寧再宿心恬三
宿後頽然嗒然不知其然而然自問其故
答曰是居也前有平地輪廣十丈中有平
臺半平地臺南有方池倍平臺環池多山
竹野卉池中生白蓮白魚又南抵石澗夾
澗有古松老杉大僅十人圍高不知幾百
尺脩柯聳雲伍枝拂潭如幢豎如蓋張如
龍蛇走松下多灌叢蘿葛葉蔓織承翳

日月光不到地盛夏風氣如八九月時下

鋪白石爲出入道堂北五步據層崖積石

嵌空垤塊雜木異草蓋覆其上綠陰蒙蒙

朱實離離不識其名四時一色又有飛泉

植茗就以烹蟬好事者見可以永日堂東

有瀑布水懸三尺瀉階隅落石渠昏曉如

練色夜中如環珮琴筑聲堂西倚北崖右

趾以剖竹架空引崖上泉脈分綫懸自簷

注砌巒巒如貫珠霏微如雨露滴瀝飄灑

隨風遠去其四傍耳目杖屨可及者春有

錦繡谷花夏有石門澗雲秋有虎谿月冬

有鑪峯雪陰晴顯晦昏旦含吐千變萬狀

不可殫紀覩縷而言故云甲廬山者噫凡

人豐一屋華一簣而起居其間尚不免有

驕穩之態今我爲是物主物至知各以

類至又安得不外適內和體寧心恬哉昔

永遠宗雷輩十八人同入此山老死不反

去我千載我知其心以是哉矧予自思從

馬平堦作堤
同文碑同全唐

陸法言功
昌善及燒

馬平堦作堤
同文碑同全唐

馬平堦作堤
同文碑同全唐

馬平堦作堤
同文碑同全唐

予文碑作全

文薛造下有
老子全唐同

輒文粹作聊

金唐客下而
予大釋全金
時作日
全唐同
字无以字
文粹无以字

冗貞

幼迨若白屋若朱門凡所止雖一自二日
輒覆簣土爲臺聚拳石爲山環斗水爲池
其喜山水病癖如此一旦蹇剥來佐江郡
郡守以優容而撫我廬山以靈勝待我是
天與我時地與我所卒獲所好又何以求
焉尚以冗貞所羈餘累未盡或往或來未
遑寧處待予異時弟妹婚嫁畢司馬歲秩
滿出處行止得以自遂則必左手引妻子
右手抱琴書終老於斯以成就我平生之
志清泉白石實聞此言時三月二十七日
始居新堂四月九日與河南元集虛范陽
張允中南陽張深之東西二林長老湊朗
滿晦堅等凡二十有二人具齋施茶果以
樂之因爲草堂記

樂之大流
全唐同全
壁記

民非政不乂政非官不舉官非署不立是
三者相爲用故古君子有雖一日必葺其
牆屋者以是哉許昌縣居梁鄭陳蔡之間要

林字下全唐
有寺字

徵文
官石

路由於斯當建中貞元之際大軍聚於斯
兵殘其民火焚其邑大田生荆棘官舍爲
煨燼乘其弊而爲政作事者其難乎去年
春叔父自徐州士曹掾選署厥邑令於是
約已以清白納人以簡直立事以強毅以
清白故官吏不敢侵于民以簡直故獄訟
不得留于庭以強毅故軍鎮不能干于縣
由是居二年民用康政用暇乃曰儲蓄邦
之本命先營囷倉又曰公署吏所寧命次

廣均區道
執文席因者
大音高倫子
張衡四言句
巨資及從

圖廳事取材於土物取工於子來取時於
農隙然後豐約量其力廣狹稱其位儉不
至陋壯不至驕庇身無燥濕之憂視事有
朝夕之利官由是而立政由是而舉民由
是而又建一物而三事成其孰不贊之哉
烏虖吾家世以清簡垂爲貽燕之訓叔父
奉而行之不敢失墜小子舉而書之亦無
愧辭若其官邑之省置風物之有亡田賦
之上下蓋存乎圖謀此略而不書今但記

愧金唐下愧
蘭雪本賦亦悅

鳴鶴全唐作

一月全唐作十

蘭雪建作達

斯廳之時制與叔父作爲之所由也先是
邑居不修屋壁無紀前賢姓字湮泯無聞
而今而後請居厥位者編其年月名氏自
叔父始時貞元十九年冬十月一日記

又養竹記

竹似賢何哉竹本固固以樹德君子見其
本則思善建不拔者竹性直直以立身君
子見其性則思中立不倚者竹心空空以
體道君子見其心則思應用虛受者竹節

庭實

貞貞以立志君子見其節則思砥礪名行
夷險一致者夫如是故君子人多樹之爲
庭實焉貞元十九年春居易以拔萃選及
第授校書郎始於長安求假居處得常樂
里故關相國私第之東亭而處之明白履
及于亭之東南隅見叢竹於斯枝葉殄瘁
無聲無色詢于關氏之老則曰此相國之
手植者自相國捐館他人假居繇是筐篋
者斬焉籌篋者刈焉刑餘之材長無尋焉

馬本草作蕡
篆首參會
文粹作篆蕡
篆首蔚

篆首參會

數無百焉。又有凡草木雜生其中，摹葺蒼
鬱有無竹之心焉。居易惜其嘗經長者之

手而見賤俗人之目，翦棄若是，本性猶存。
乃芟翳蒼除糞壤，疏其間，封其下，不終日

而畢。於是日出有清陰，風來有清聲，依依

然欣欣然若有所情於感遇也。嗟乎！竹植物

也。於人何有哉？以其有似於賢而人愛惜

字

蘭亭本乃作及
文粹下三人下有

之封植之。况其真賢者乎？然則竹之於草

木，猶賢之於衆庶。嗚呼！竹不能自異，惟人

異之。賢不能自異，惟用賢者異之。故作養
竹記，書于亭之壁，以貽其後之居斯者，亦
欲以聞於今之用賢者云。

晉自記畫

唐初畫院外友約君冊有此圖。已至王造畫史王萬希孟五雅史
王造畫院又復也

張氏子得天之和，心之術，積爲行，發爲藝。
藝尤者，其畫歟。畫無常工，以似爲工。學無
常師，以真爲師。故其措一意，狀一物，往往
運思中與神會，鬚眉焉若。歐和役靈於其
間者，時予在長安中居，甚閑，聞甚熟。乃請

閩金唐作驅

畫

觀於張，張爲予盡出之。厥有山水松石雲霓鳥獸暨四夷六畜妓樂華蟲咸在焉。凡十餘軸無動植無小大皆曲盡其能莫不向背無遺勢洪纖無遁形。迫而視之有似乎水中了然分其影者然後知學在骨髓者。自心術得工侔造化者由天和來張但得於心傳於手亦不自知其然而然也。至若筆精之英華指趣之律度予非畫之流也不可得而知之今所得者但覺其形真。

而圓神和而全炳然儼然如出於圖之前而已耳。張始年二十餘致功甚近予意其生知之藝與年而長則畫必爲希代寶必爲後學師恐將來者失其傳故以年月名氏紀于圖軸之末云時貞元十九年清河張敦簡畫六月十日大原白居易記。

記異

盧云宋記作紀

馬奔年作平
全唐同

希代寶
字下全唐人

紀全唐作記
圖軸

華州下邽縣東南三十餘里曰延年里里西南有故蘭若而無僧居元和八年秋七

月予從祖兄曰胤虛作聰自華州來訪予途出於

智大一
古帝号言方
明也

屋下全唐百字

佛屋
執行

門柱

蘭若前及門見婦女十許人服黃綠衣少長雜坐會語於佛屋聲聞于門兄執行方渴將就憇且求飲望其從者蕭士清未至因下馬自繫韁於門柱舉首忽不見意其退藏於窓闌之間從之不見又意其退藏於屋壁之後從之又不見周視其四旁則堵牆環然無隙缺覆視其族談之所則塵壤四幕然無足迹繇是知其非人悸然大

盧本無四字

塵壤四幕此

金庸原塵壤

王胤全唐作王允
下同
王胤先妣

馬卒其作相

異之不敢留上馬疾驅來告子子亦異之因訊其所聞兄曰云云甚多不能殫記大抵多云王胤老如此觀其辭意若相與數其過者厥所居予舍八九里因同往訪焉果有王胤者年老即其里人也方徙居於蘭若東百餘步普牆屋築塲蓀樹僅畢明日而入既入不浹辰而胤死不越明而妻死不逾時而胤之二子與二婦一孫死餘一子曰明進大恐懼不知所爲意新居不

明全唐作月

馬本君作尹

祥乃撤屋拔樹夜徙去遂獲全焉嘻推而徵之則衆君子謀於杜以亡曹婦人來焚糜竺之室信不虛矣明年秋予與兄出遊因復至是視胤之居則井湮竈夷闇然唯環牆在里人無敢居者異乎哉若然者命數耶偶然耶將所徙之居非吉土耶抑王氏有隱慝鬼得謀而誅之耶茫乎不識其由且志於佛室之壁以俟辨惑者九月七日樂天云

太原二字
某書

修多羅藏
即經藏

東林寺經藏西廊記

元和初江西觀察使韋君丹於廬山東林寺神運殿左甘露壇右建修多羅藏一函土木丹漆之外飾以多寶相好嚴麗鄰諸鬼功雖兩都四方或未前見一切經典盡在于內蓋釋宮之天祿石渠也初藏既成南東北廊亦具獨西未作而韋君薨迨今十餘年風日所飄燥雪雨所霑濕西南一隅壞有目矣僧坊衆惜之予亦惜之非不

釋宮

碑

馬子財作

是圖財力不足暨十三年予作景雲律師塔碑成景雲弟子饋絹百匹予以法施淨財義不已有即日移用作藏西廊因請寺長老演公滿公琳公等經之寺綱維今果靈達等成之蓋欲護前功償始願非住於布施相功德心也其集經名數與創藏由緣詳于李肇碑文此但書新作西廊而已十四年月日忠州刺史白居易記

三遊洞序

平淮西之明年久予自江州司馬授忠州刺史徵之自通州司馬授虢州長史又明年春各祗命之郡與知退偕行三月十日參會於夷陵翌日徵之反棹送予至下牢戍又翌日將別未忍引舟上下者久之酒酣聞石間泉聲因捨棹進策步入缺岸初見石如壘如削其恠者如引臂如垂如幢次見泉如瀉如灑其奇者如懸練如不絕綫遂相與維舟巖下率僕夫芟蕪刈翳梯

煌水汎廣
僅竹用切乳汗
又都度支郎
曰九思也江
呼乳乃也

危縋滑休而復上者凡四焉仰睇俯察絕無人迹但水石相薄磷磷鑿鑿跳珠濺玉驚動耳目自未訖成愛不能去俄而峽山昏黑雲破月出光氣含吐互相明滅晶熒玲瓏象生其中雖有敏口不能名狀既而通夕不寐迨旦將去憐奇惜別且嘆且言知退曰斯境勝絕天地間其有幾乎如之何俯通津縫歲代寂寥委置罕有到者予曰借此喻彼可爲長太息豈獨是哉豈獨

是哉微之曰誠哉是言矧吾人難相逢斯境不易得今兩偶於是得無述乎請各賦古調詩二十韻書于石壁仍命予序而紀之又以吾三人始遊故目爲三遊洞洞在峽州上二十里北峯下兩崖相廔間欲將來好事者知故備書其事

遊大林寺序

余與河南元集虛范陽張允中南陽張深之廣平宋郁安定梁必復范陽張特東林

峯頂

板屋
木器

馬今文作詩

文釋七寥
迫文釋作道

寺沙門法演智滿士堅利辨道建神照雲
臯息慈寂然凡十七人自遺愛草堂歷東
西二林抵化城憩峯頂登香鑪峯宿大林
寺大林窮遠人迹罕到環寺多清流蒼石
短松瘦竹寺中唯板屋木器其僧皆海東
入山高地深時節絕晚于時孟夏月如正
二月天梨桃始華澗草猶短人物風候與
平地聚落不同初到悅然若別造一世界
者因口號絕句云人間四月芳菲盡山寺
中弘簡李補闕渤海三人姓名文句因與集
虛輩歎且曰此地實國廬間第一境由驛
路至山門曾無半日程自蕭魏李遊迫今
垂二十年寂寥無繼來者嗟乎名利之誘
入也如此時元和十二年四月九日樂天

序

代書

代書

札

接

廬山自陶謝洎十八賢已還儒風縹縷相續不絕貞元初有符載楊衡輩隱焉亦出爲文人今其讀書屬文結草廬於巖谷間者猶一二十人即其中秀出者有彭城人劉軻軻開卷慕孟軻爲人秉筆慕楊雄司馬遷爲文故著翼孟三卷叢龍子十卷雜文百餘篇而聖人之旨作者之風雖未臻極往往而得予佐潯陽三年軻每著文輒來示予予知軻志不息異日必能跨符楊而攀陶謝軻一旦盡費所著書及所爲文訪予告行欲舉進士予方淪落江海不足以發軻事業又羸病無心力不能徧致書於臺省故人因接紙引筆寫胷中事授軻且曰子到長安持此札爲予謁集賢庚三十二補闕翰林杜十四拾遺金部元八員外監察牛二侍御史祕省蕭正字藍田楊主簿兄弟彼七八君子皆予文友以予愚直常信其言苟于今不我欺則子之道庶幾

謝

死矣
唐虞李景云集

某白

光明矣。又欲使平生故人知我形體已悴。志氣已憊。獨好善喜才之心未死去矣。特此代書。三月十三日。樂天白。

送侯權秀才序

貞元十五年秋。予始舉進士。與候生俱爲宣城守所貢。明年春。予中春官。第既入仕。凡歷四朝。才朽命剥。蹇躡不暇。去年冬。蒙不次恩遷尚書郎。掌誥西掖。然青衫未解。白髮已多矣。時子尚爲京師旅人。見除書。

蒙不次恩
除書

馬卒輜作資
馬卒輜作資

荆

走來賀。予因從客問其宦名。則曰無得矣。問其生業。則曰無加矣。問其僕乘囊輜。則曰目消月脧矣。問別來幾何時。則曰二三十年矣。嗟乎。侯生當宣城別時。才文志氣我爾不相下。今予猶小得遇。子卒無成。由予而言。子不爲不遇耳。嗟乎。侯生命實爲之謂之何哉。言未竟。又有行色。且曰。欲謁東諸侯。恐不我知。者多請一言。以寵別。予方真閣。慨然竊書。命筆以序之爾。

直閣

盧平子作予
馬卒耳作矣

冷泉亭記

白集二十九

觀下全唐有言
李

馬本析作林

東南山水餘杭郡爲最就郡言靈隱寺爲尤由寺觀冷泉亭爲甲亭在山下水中央寺西南隅高不倍尋廣不累丈而撮奇得要地搜勝槩物無遁形春之日吾愛其草薰薰木欣欣可以導和納粹暢人血氣夏之夜吾愛其泉渟渟風泠泠可以蠲煩析醒起人心情山樹爲蓋巖石爲屏雲從棟生水與階平坐而翫之者可濯足於牀下

臥而狎之者可垂釣於枕上矧又潺湲漱澈粹冷柔滑若俗士若道人眼耳之塵心舌之垢不待盥滌見輒除去潛利陰益可勝言哉斯所以最餘杭而甲靈隱也杭自郡者有相里君造虛自亭有韓僕射臯作候仙亭有裴庶子棠棣作觀風亭有盧給事元補作見山亭及右司郎中河南元真最後作此亭於是五亭相望如指之列可

盧本造下有作字
去旧今俱脫作字而
以造虛白亭為文不
知道乃相里君之名
文范英華九百全
有獨孤及祭相里造
文造字公度官至詩
南少尹且此下皆名
高不宜此獨言並
高也

謂佳境殫矣。能事畢矣。後來者雖有敏心。巧目無所加焉。故吾繼之。述而不作。長慶

三年八月十三日記

白氏文集卷第二十六

白氏文集卷第二十七

抱經堂本爲四十四

書 凡三首

與楊虞卿書一首

與陳給事書一首

爲人上宰相書一首

與楊虞卿書

師皋足下。自僕再來京師。足下守官鄴縣。吏職拘絆。相見甚稀。凡半年餘。與足下開口而笑者。不過三四。及僕左降詔下。明日

而東足下從城西來抵昭國坊已不及矣。走馬至瀘水才及一執手憫然而訣言不及他邇來雖手札一二往來亦不過問道途報健否而已。鬱結之志曠然未舒思欲一陳左右者久矣。去年六月盜殺右丞相於通衢中。迸血髓磔髮肉所不忍道。合朝震慄不知所云。僕以爲書籍以來未有此事。國辱臣死此其時耶。苟有所見雖畎畝皂隸之臣不當默默况在班列而能勝其痛憤耶。故武相之氣平明絕僕之書奏。日午入兩日之內滿城知之。其不與者或誣以僞言或構以非語且浩浩者不酌時事大小與僕言當否皆曰丞郎給舍諫官御史尚未論請而贊善大夫何反憂國之甚也。僕聞此語退而思之贊善大夫誠賤冗耳。朝廷有非常事即日獨進封章謂之忠謂之憤亦無媿矣。謂之妄謂之狂又敢逃乎。且以此獲辜願何如耳。况又不以此爲

罪名乎、此足下與崔李元庾輩十餘人、爲我悒悒鬱鬱、長太息者也、然僕始得罪於人也、竊自知矣、當其在近職時、自惟賤陋、非次寵擢夙夜腆愧、思有以稱之、性又愚昧、不識時之忌諱、凡直奏密啓、外有合方便聞於上者、稍以歌詩導之意者、欲其易入而深誠也、不我同者、得以爲計、媒蘖之辭一發、又安可君臣之道間、自明白其心乎、加以握兵於外者、以僕潔慎、不受賂而憎秉權於內者、以僕介獨不附已、而忌其餘附離之者、惡僕獨異、又信狺狺吠聲、唯恐中傷之不獲、以此得罪、可不悲乎、然而寮友益相重、交游益相信、信於近而不信於遠、亦何恨哉、近者少、遠者多、多者勝少者、不勝、又其宜矣、師皋僕之是言、不發於他人、獨發於師皋、師皋知我者、豈有愧於其間哉、苟有愧於師皋、固是言不發矣、且與師皋始於宣城相識、迨于今十七八年、

可謂故矣。又僕之妻即足下從父妹，可謂親矣。親如是，故如是，人之情又何加焉。然僕與足下相知，則不在此。何者？夫士大夫家閨門之內，朋友不能知也；閨門之外，姻族不能知也。必待友且姻者，然後周知之。足下視僕撫骨肉、待妻子、馭僮僕，又何如哉？又視僕莅官事、擇交友、接賓客，何如哉？小者近者，尚不敢不盡其心；况大者遠者也？所謂斯言無愧而後發矣，亦猶僕之知。

馬本也作子

師皋也。師皋孝敬友愛之外，可略而言。足下未應舉時，嘗充賢良直言之賦，其所對問志磊磊而詞諤諤，雖不得第，僕始愛之。及與獨孤補闕書讓不論事，與盧侍郎書請不就職，與高相書諷成致仕之志，志益大而言益遠，而僕愛重之心繇是加焉。近者足下與李弘慶友善，弘慶客長安中，貧甚而病亟，足下爲逆致其母，安慰其心，自損衣食以續其醫藥，甘旨之費，有年歲矣。

荀子本元序

又足下與崔行儉游行儉非罪下獄足下意其不幸及於流竄勅下之日躬俟於御史府門而行李之具養活之物崔生顧其旁一無闕者其餘奉寡姊親護其夫喪撫孤甥誓畢其婚嫁取貴人子爲婦而禮法行於家由甲乙科入官而吏聲聞於邑凡此者皆可以激揚類俗表正士林斯僕所以響慕勤勤豈敢以骨肉之姻形骸之舊爲意哉然足下之美如此而僕側聞金龜

之徒不悅足下者已不少矣但恐道日長而毀日至位益顯而謗益多此伯寮所以憇仲由季孫所以毀夫子者也昔衛玠有云人之不逮可以情恕非意之加可以理遣故至終身無喜愠色僕雖不敏常佩此言師皋人生未死間千變萬化若不情恕於外理遣於中欲何爲哉欲何爲哉僕之是行也知之久矣自度命數亦其宜然凡人情通達則謂由入窮塞而後信命僕則

不然。十年前以固陋之姿、猥劣之藝、與敏
手利足者齊驅、豈合有所獲哉。然而求名
而得名、求祿而得祿、人皆以爲能、僕獨以
爲命。命通則事偶、事偶則幸來、幸之來尚
歸之於命。不幸之來也、捨命復何歸哉。所
以上不怨天、下不尤人者、寔如此也。又常
照鏡或觀寫真、自相形骨、非貴富者必矣。
以此自決、益不復疑。故寵辱之來、不至驚
恠、亦足下素所知也。今且安時順命、用遣

歲月、或免罷之後、得以自由、浩然江湖、從
此長往、死則葬魚鼈之腹、生則同鳥獸之
群、必不能與、掊聲攫利者、權量其分寸矣。
足下輩無復見僕之光塵於人寰間也。多
謝故人、勉樹令德、粗寫鄙志、兼以爲別居
易頓首。

與陳給事書

正月日、鄉貢進士白居易謹遣家僮奉書
獻於給事閣下、伏以給事門屏間請謁者

吹噓

一本耳下百脉字

如林獻書者如雲多則多矣然聽其辭一辭也觀其意一意也何者率不過有望於吹噓翦拂耳居易則不然今所以不請謁而奉書者但欲貢所誠質所疑而已非如衆士有求於吹噓翦拂也給事得不獨爲之少留意乎大凡自號爲進士者無賢不肖皆欲求一第成一名非居易之獨慕耳既慕之所以切不自察嘗勤苦學文迨今十年始獲一貢每見進士之中有一舉而

中第者則欲勉狂簡而進焉又見有十舉而不第者則欲引鴛鈍而退焉進退之宜固昭昭矣而遇者自惑於趣舍何哉夫蘊奇挺之才亦不自保其必勝而一上得第者非他也是主司之明也抱瑣綿之才亦不自知其妄動而十上下第者亦非他也而是主司之明也豈非知人易而自知難耶伏以給事天下文宗當代精鑑故不揆淺陋敢布腹心居易鄙人也上無朝廷附離

之援次無鄉曲吹煦之譽然則孰爲而來哉蓋所仗者文章耳所望者主司至公耳今禮部高侍郎爲主司則至公矣而居易之文章可進也可退也切不自知之欲以進退之疑取決於給事給事其能捨之乎居易聞神蓍靈龜者無常心苟叩之者不可以誠則已若以誠叩之必以信告之無貴賤無大小而不乏應也今給事鑒如水鏡言爲蓍龜邦家大事咸取決於給事豈獨

遺其微小乎謹獻雜文二十首詩一百首伏願俯察悃誠不遺賤小退公之暇賜精鑒之一加焉可與進也乞諸一言小子則磨鉛策蹇騁力於進取矣不可進也亦乞諸一言小子則息機斂迹甘心於退藏矣進退之心交爭於胷中者有日矣幸一言以蔽之旬日之間敢佇報命塵穢聽覽若奪氣褫魄之爲者不宜居易謹再拜

爲入上宰相書一首

某乙

二月十九日某官某乙謹拜手奉書獻於

蘭雪本脫空等

相公執事書曰古人云以水投石至難也某以爲未甚難也以卑干尊以賤合貴斯爲難矣何者夫尊貴人之心堅也強也不轉也甚於石焉卑賤人之心柔也弱也自下也甚於水焉則其合之難也豈不甚於水投石哉然則自古及今往往有合者又何哉此蓋以心遇心以道濟道故也苟心相見道相通則水反爲石石反爲水則其

合之易也又甚乎以石投水焉何者石之投水也猶觸之有聲受之有波心道之相得也則貴者不知其貴也賤者不知其賤也當其冥同訴合之際但脗然已而矣其合之易也豈不甚於石投水哉噫厥道廢墜不行於代久矣故貴者自貴耳賤者自賤耳雖同心同道不求相合也今某之心與相公之心愚智不侔也今某之道與相公之道小大不倫也矧又尊卑貴賤之勢

蘭雪本脫空等

惟維

相懸如石焉。如水焉。而欲強至難爲至易。
無乃不可乎。然則知其不可而爲之者。抑
有由。伏以相公方今佐裁成之道。當具瞻
之初。竊希變天下水石之心。自相公始也。
通天下貴賤之道。自某始也。不然者。夫豈
不自知其狂進妄動哉。伏望少留聽而畢
辭焉。幸甚幸甚。某伏觀先皇帝之知遇相
公也。雖古君臣道合者。無以加也。然竟不
與大位。不授大權。不盡行相公之道者。何

哉。識者以爲先皇父子孝慈之間。亦古未
有也。蓋先皇所以輟已知人之明。用賢之
功。致理之德。以留賜今上也。亦猶太宗黜
李勣。而使高宗寵用之也。今上在諒陰而
特用也。相公自郎官而特拜也。推此二者。
有以見識者之言信矣。斯則先皇知遇之
恩。貽燕之念。今上速用之旨。倚賴之誠。相
公寵擢之榮。託寄之重。自國朝已來。三者
兼之甚鮮矣。故某竊惟相公自拜命已來。

八九日得食不暇飽寢不暇安行則懼然居則惕然思所以答先皇之知副今上之用允天下之望哉某竊以爲必然矣况今主上肇撫蒼生初嗣洪業雖物不改舊而今宜布新是以百辟傾心悽悽然以待主上之政也萬姓注目專專然以望主上之令也四夷側耳顚顚然以聽主上之風也豈直若此而已哉蓋待其政者勤墮邪正繫其中焉望其令者憂喜親疎生其中焉

聽其風者畏侮動靜出其中焉而將來理亂之根安危之源盡在於三者之中矣如此則相公得不匡輔其政緝熙其令宣和其風乎然則匡輔緝熙宣和之道某雖不敏嘗聞於師焉曰天子之耳待宰相之耳而後聰也天子之目待宰相之目而後明也天子之心識待宰相之心識而後聖神也宰相之耳待天下之耳而後聰也宰相之目待天下之目而後明也宰相之心識

待天下之心識而後啓發聖神也然則下取天下耳目心識上以爲天子聰明神聖者此宰相之本職也而爲匡輔緝熙宣和之道也若宰相唯以兩耳聽之兩目視之一心思之則朝廷得失豈盡知見乎必不得盡也而況於天下之得失乎宰相之耳目得聰明乎必未也而况於上以爲天子聰明聖神乎然則天下聰明心識取之豈無其道耶必有也在乎知與不知行與不行

耳噫自開元已來斯道滯衰鮮能行者自貞元已來斯道滯微鮮能知者豈唯不知乎不行乎又將背古道而馳者也何者古者宰相以危言危行扶危持顛爲心今則敏行遜言全身遠害而已矣古者宰相取天下耳目心識爲用今則專任其兩耳兩目一心而已矣古者宰相以接士爲務今則不接賓客而已矣古者宰相以開閣爲名今則鏁其門第而已矣致使天下之聰

明盡委棄於草木中焉。天下之心識盡沉沒於泥土間焉。則天下聰明心識萬分之中。宰相何嘗取得其一分哉。是故寵益崇而謗益厚。歲彌久而愧彌深。至乃上負主恩。下斂人怨。行止寢食。自有慙色者。夫豈非不得天下聰明心識之所以致耶。然則爲宰相者。得不思易其轍乎。是以聰明損於上。則正直銷於下。畏忌慎默之道長。公議忠讜之路塞。朝無敢言之士。庭無執咎之臣。自國及家。竊以成弊。故父訓其子曰。無介直以立仇敵。兄教其弟曰。無方正以賈悔尤。先達者。用以養身。後進者。資而取仕。目引月長。熾然成風。識者腹非而不言。愚者心競而是效。至使天下有目者如瞽也。有耳者如聾也。有口者含鋒刃也。如此則上之得失。下之利病。雖欲匡救。何由知之。嗟乎。自古以來。斯道之弊。恐未甚於今日也。然則爲宰相者。得不思變其風乎。是以

慎忌積於中、則政事廢於表。因循苟且之
心作、強毅久大之性虧。反謂率職而舉者、
不達於時宜。當官而行者、不通於事變。故
殿最之書、雖申而不實。黜陟之法、雖備而
不行。欲望惡者懲、善者勸。或恐難矣。古之
善爲宰相者、豈盡得而用之乎。豈盡知不
肖而去之乎。蓋在於秉鈞軸之樞、握刀尺
之要、剗邪爲正、削觚爲圓。能使善之必遷、
不謂善之盡有。能使惡之必改、不謂惡之

自馬本自皆作
盡無成此功者無他、懲勸之所以致耳。然則
爲宰相者、得不思提其綱、使群目自皆張
乎。是以懲勸息於此、則賢能乏於彼。故岳
鎮闕而不知所取、臺省空而不知所求。今
則尚書六司之官、暨于百執事者、大凡要
劇者、多虛其位、閑散者、咸備其官。或曰、所
以難其人、重其祿也。嗟乎、徒知難其人而
闕之、不知邦政日歸於下吏也。徒知重其
祿而愛之、不知稍食日費於冗貟也。損益

補遺
屬

利害、豈不明哉。古之善爲宰相者、虛其懷、直其氣、苟有舉一賢者、必從而索之、苟有遷一善者、必隨而用之、然後明察否臧、精考真僞、得人者行進賢之賞、謬舉者坐不當之辜、自然審輪轅以相求、謹關梁以相保、故才無乏用、國無廢官、豈可疑所舉之未精、而反失其善、重所任之不苟、而反廢其官與、其廢官寧其虛授與、其失善寧其謬升、但在乎明覈是非、必行賞罰、則謬升

虛授、當自辯焉、然則爲宰相者、得不思振其領使、衆毛皆舉乎、是以庶政關於內、則庶事斁於外、至使天下之戶口日耗、天下之士馬日滋、游手於道途市井者、不知歸託、足於軍籍、釋流者、不知反計數之吏日進、取斂之法日興、田疇不闢、而麥禾之賦日增、桑麻不加、而布帛之價日賤、吏部則士人多而官貟少、姦盜日生、諸使則課利少、而羨餘多、侵削自甚、舉一知十、可勝言

哉、况今方域未甚安、邊陲未甚靜、水旱之災不戒、兵戎之動無期、然則爲宰相者、得不圖將來之安、補既往之敗乎、若相公用天下之目觀而救之、夫豈無最遠之見乎、用天下之心圖而濟之、夫豈無最長之策乎、策之最長者見之、最遠者在相公鑒而取之、誠而行之而已、取之也行之也、今其時乎、爲時之用大矣哉、古者聖賢有其才、無其位、不能行其道也、有其才、有其位、無其時、亦不能行其道也、必待有其才、有其位、有其時、然後能行其道焉、某竊見相公曩時制策對中、論風化澆淳之源、明天人交感之道、陳兵災救療之術、可謂有其才矣、又伏見今月十一日制詞云、其代予言、允屬良弼、必能形四方之風、成天下之務、可謂有其時矣、今相公有其才有其位、有其時、則行道由已、而由道乎哉、某又聞一往而不可追者時也、故聖賢甚惜焉、方今

拭天下之目以觀主上之作爲也側天下
之耳以聽相公之舉措也如此則相公出
一言不終日而必聞於朝野主上發一令
不浹辰而必達於華夷蓋主上輯百辟和
萬姓服四夷之時在於此時矣相公充人
望代天工報國之恩正在於今日矣或者
曰君臣之道至大也可以漸合不可以速
合也天下之化至大也可以漸行不可以速
行也賢人之事業至大也行之可以枉
速行也

尺而直尋也某以爲殆不然矣夫時之變
事之宜其間不容息也先之太過後之則
不及故時未至聖賢不進而求時既來聖
賢不退而讓蓋得之則不啻乎事半而功
倍也失之則不啻乎事倍而功半也嗟乎
或者徒知漸合其道而不知啓沃之時失
於漸中矣徒知漸行其化而不知變理之
時失於漸中矣徒知枉尺而直尋而不知
易失於時則難生於漸中雖枉尋不能直

尺矣。近者宰相道不行，化不成，事業不光明，率由乎有志於漸矣。請以前事明之。某嘗聞太宗顧謂群臣曰：善人爲邦百年，然後能勝殘去殺。當今大亂之後，將求致理，寧可造次而望乎？魏文貞曰：不然。夫亂後易理，猶飢人易食也。若聖哲施化，人應如響，期月而可信，不爲難。三年成功，猶謂其晚。太宗深納其言。時封德彝輩共非之曰：不可。三代以後，人漸澆訛，皆欲理而不能。

豈能理而不欲？魏徵書生不識時務，信其虛說，必亂國家。於是太宗卒從文貞之言，力行不倦。三數年間，天下大安，戎狄內附，太宗曰：惜哉！不得使封德彝見之。斯則得其時行其道，不取於漸之明効也。况今日之天下，豈弊於武德之天下乎？相公之事業，豈後於文貞之事業乎？在於疾行而已矣。所以主上踐祚未及十日，而寵命加於相公者，惜國家之時也。相公受命未及十

日而某獻於執事者惜相公之時也夫欲行大道樹大功貴其速也蓋明年不如今年明日不如今日矣故孔子曰日月逝矣歲不我與此言時之難得而易失也伏惟相公惜其時之易也而不失焉慮其漸之難也而不取焉抑又聞濟時者道也行道者權也扶權者寵也故得其位不可一日無其權得其權不可一日無其寵然則取權有術也求寵有方也蓋竭其力以舉職

而權必自歸忘其身以徇公而寵必自至權歸寵至然後能行其道焉伏惟相公詳之而不忽也抑又聞不棄死馬之骨者然後良驥可得也不棄狂夫之言者然後嘉謨可聞也苟某管見之中有可取者俯而取之苟薦言之中有可採者俛而採之則知之者必曰至如某之見猶且不棄况愈於某之徒歟則天下精通達識之士得不比肩而至乎聞之者必曰如某之言猶且

不棄況愈於某之徒歟則天下謇諤敢言
之士得不繼踵而來乎伏惟相公試垂意
焉則天下之士幸甚某遊長安僅十年矣
足不踐相公之門目不識相公之面名不
聞相公之耳相公視某何爲者哉豈非介
者耶猾者耶今一旦卒然以數千言塵黷
執事者又何爲哉實不自揆欲以區區之
聞見裨相公聰明萬分之一分也又欲以
濟天下顛頽之人死命萬分之一分也相
公以爲如何

白氏文集卷第二十七

